



THE ABORTION LEGISLATION ACT 2020


ONE OF THE MOST EXTREME ABORTION LAWS IN THE WORLD

FETAL FLAWS

e mafai i lalo ole tulāfono fou ta’otoga fa’apa’ūtama mai le āfuafua e tau ile pepe o le a fanau. E lē se tala fau – o le fa’auaina o le tulāfono ua tusia fa’apitoa ina ia mafai ai i so’o se taimi, mai le āfuafua e tau ile taimi e fanau ai le pepe, ona fa’ataga fa’atulafono se ta’otoga fa’apa’ūtama i so’o se mafua’aga – o le mea moni lea, e tusa lava po’o a fa’amatalaga ma finauga a Sui ole Palemene.

FA’ALEĀOGA AIĀ TATAU

O le ave’esea o le ma’i fafano mai fa’amaumauga fa’asolitulafono ae fa’aofi i totonu ole tulafono soifumalōlōina ua fa’aititia ai le taūa o le pepe e le’i fanau ma ua tutusa ai pei ole pito ga’au, au’ona – ua na o se sela e tipitipi lē amana’ia i ta’otoga fa’afoma’i. So’o se tagata ua va’ava’ai i le fā’ata o se pepe e le’i fanau e manino ua solipala le āia tatau a le tagata ola. Ua iai fo’i le lē ō fa’atasitasi ma isi tulafono ma fa’asalalaua soifumalōlōina fa’alaua’itele o lo’o amana’ia aiā tatau a pepe e le’i fananau. O le Ma’i Fafano o le matā’upu soifumalōlōina, o le matā’upu fo’i fa’aletūlafono.



O āfea e amata ai le ola?

O le fesili e tatau ona fa’atalanoa: o le ā le taimi fa’ailoga e ta’ua ai le tamafafano o le tagata ola? O le ā le taimi ua fa’apea ai, ole tamafafano ua iai lana aiā tatau ma malupuipua ai o ia? O le Palemia, Afioga Jacinda Ardern ua lē fia tali lea fesili ina ua fa’afesiligia e tinā e 12, o latou ia ua fa’apā’uā a latou pepe. I se latou tusi lafo i le tama’ita’i Palemia na latou tusia: o le **lē talia o lea fesili e i’u ina fasiotia ai tagata ola, aua ua lē na o se ‘sela tipi ese’.**

E SA’O, O LE FA’APA’Ū PEPE I LE VĀ O LE MALAMA MA LE FANAUGA – UA FA’ATAGA E LE TULĀFONO

I le taimi ua fano, na iai le avanoa ile tulāfono e fa’ataga ai se ta’otoga fa’apa’ū tama mo tinā ua siliga ma le 20 vaiaso le matua o le tamafafano – pe a fai ua matuā ogaoga se tulaga ua iai. O le tulāfono fou ua fa’atagaina se ta’otoga fa’apa’ūtama i tua atu ole 20 vaiaso pe a fautuaina e se faufautua o ‘Ma’i Fafano’ e fa’apea e maua ai ele tinā le to’omaga ile tino po’o le mafaufau. **O ia fautuaga e fa’avae i luga o manatu ma lagona ae lē o molimau fa’amaonia.** Ole fa’aupuga ‘tino malōlō’, ‘mafauau malōlōina’ ma le ‘soifua manuia’ e lē o fa’aaogaina e le tulāfono. O le ā fo’i le umi ole ma’itaga mo su’esu’ega e le’i fa’amaonia ma fa’atapulā’a fo’i e le tulāfono.

O le tasi itu taumafai o le tulāfono fou o le fa’afaigofie lea ona maua avanoa tinā e fai ta’otoga, ailoga lā e toe maua ni vaega e tu tete’e atu ai i talosaga a tinā e fa’afano a latou tama? O le afioga Minisita o Fa’amasinoga, Andrew Little ua ia ta’utino mai

*O fa’amaumauga mai le Ofisa Fuainumera Fa’amauiina Niusila ua fa’ailoa ai i le 10 tausaga ua mavae, e 800 ta’otoga fa’apa’ūtama o tamafafano siliga ma le 20 vaiaso le matutua, e le’i lamatia le soifua o tinā, o lona uiga, o ia ta’otoga e le’i faia ona ua lamatia le ola o le tinā.

[O le to’atele o Sui Palemene na palota e tete’e se suiga o le tulāfono e fa’ato’a fa’ataga se ta’otoga vagana ua matuā ogaoga le tulaga ua iai le tinā. [Tagataga’i i fa’amaumauga o palota i le itulau X]

LEAI SE AIAIGA MO LE ‘FANAU OLĀ’

E iai le suiga fa’atu mo le tulafono fou e fa’apito i le tulaga na fai le ta’otoga fa’apa’ūtama ae uma ifo, e ola pea le pepe, o lea suiga fa’atu ua fa’apea e iai le tiute tau’ave e fa’auau togafitiga mo ia pepe e o’o lava ina ua tagata mātutua pe a fai ae mana’omia. O lona uiga e taūa tele le iai o aiaiga i le Tulafono Ma’i Fafano e fa’amausalī ai lea noataga.

[O le to’atele o Sui Palemene na palota e tete’e le suiga fa’atū. Tagataga’i i fa’amaumauga o palota i le itulau X]

FA’APA’ŪTAMA E FAI I TUA FALE



Ua mafai i le taimi nei e tinā ona fa’aaoga le upega tafa’ilagi e fa’atonutonu ma fa’avasega ta’otoga fa’apa’ūtama mai le fale, po’o falea’oga. Ua fa’alaua’itele fo’i ele tulāfono le vasega o tagata ua fa’ataga ona fai ta’otoga: “foma’i fa’apitoa” ua suia i le “foma’i lautele”. O lona uiga ua mafai e le tausi ma’i mo Aiga Fuafuaina ona ia

fa’atagaina ni fuāla’au fa’apa’ūtama – e fa’atupu ai le ma’i fafano – i luga o le telefoni po’o vitio (e pei ole Facetime po’o le Skype).

I taimi ua fano, o fuāla’au fa’apa’ūtama e fa’ainu i le ofisa o le foma’i fa’apitoa. I le taimi nei, i lalo o le tulāfono fou, o ia fuāla’au e mafai ona momoli atu ese tiliva, o lona uiga e leai seisi e va’aia ma fa’atonu po’o ai e inu fuāla’au; po’o sa’o taimi e inu ai fuāla’au. E faigata fo’i i le tulaga ona iloa pe o malupuipua, po’o fa’amalosia le tinā/tama’ita’i talavou i le vaitaimi o vaivaiga ma mafatiaga. O le ‘100% fa’apa’ūpepe i le fale’ e mafai ona fa’aaoga e fa’alilolilo ma nānā ai le fa’asauāina o se tinā/tama’ita’i talavou. **O ia mea uma e atili ai ona lamatia ola o tinā ma tama’ita’i.**

LEAI SE AIAIGA TAPENA MO LE TIGAINA O LE TAMAFAFANO

O se suiga fa’atu mo le tulāfono fou e fa’amalosia ai tagata- e fa’atino ta’otoga fa’apa’ūtama mo tinā ua silia ile 20 vaiaso ole ma’itaga

- e tausisi ina ia lē fa’alogoā se tigaina o lea faiga ele tamafafano. O le suiga na fa’atu e tai tutusa ma le aiaiga i lalo o le Tulafono Fa’asaogalemu Meaola (Animal Welfare Act) e tatau ai i foma’i meaola ona tapena lelei ina ia le fa’alogona ese meaola se tigā i taimi o ta’otoga. [O le to’atele o Sui Palemene na palota e tete’e suiga na fa’atu. [Tagataga’i i fa’amaumauga o palota i le itulau X]

Green Party Logic

Aborting cows

“inhumane and cruel”



Aborting humans

“compassionate healthcare”



LEAI SE FESOASOANI MO TINĀ MA TAMA’ITA’I

E leai se vaega o le tulāfono e puipuia ai tinā ma tama’ita’i mai le fa’amalosiā e fai le ta’otoga fa’apa’ūtama – fa’ata’ita’iga, ua tulei e lana uo tama po’o se tagata o le aiga. E leai fo’i ni aiaiga e fa’amautinoa e maua fesoasoani i le itu fa’alemafaua i taimi e le’i faia le ta’otoga aemaise le taimi ua mae’a le ta’otoga. Fa’apea ma le fa’atalatalanoa ma malamalama atili i lamatiaga ole mafaua ma le tino i ta’otoga fa’apa’ūtama. E lēai se vaega i totonu o le tulāfono e fa’apea e tatau ona fa’ailoa i tinā isi filifiliga ma fesoasoani o lo’o avanoa mo latou – o le taofi o le Matagaluega o le Soifuamalōlōina faimai: o tina o lo’o mafaua i le ma’i fafano e faigofie ma saogalemū le fa’apa’ūtama nai lo le fa’aaauu o le ma’itaga.

E LĒ LOGOINA MATUA

Ua fa’atagaina ele tulāfono fou a’oga latou te mafai ona ave sa’o se tama’ita’i a’oga e fai se ta’otoga aunoa ma le logoina o matua. Ole mea moni, e mafai e se tama’ita’i talavou ona ia fa’afeso’ota’i ma fa’ataunu’u le ta’otoga ae le’i 20 vaiaso le matua o le tamafafano. I so’o seisi lava tulaga fa’alesoifuamalōlōina, e mana’omia le foma’i e va’ai ma iloilo le malosiaga o le tama’ita’i, afai e le ato’atoa ua logo loa matua mo se fa’atanana. O le fesili, aisea ua ave’esea ai matua ma lea alagālua? E malie lea tulaga i le vaega o lagolago malosi le Ma’i Fafano – ole latou pese faimai o le Ma’i Fafano o se matāupu fa’alesoifuamalōlōina: Ae a’afia loa se teine la’ititi, sui loa ma le fati ole latou pese. [O le to’atele o Sui Palemene na palota tete’e i le suiga fa’atu e tatau i faiga fa’atulagaina masani o lo’o faia mo vaega uma o le soifuamalōlōina e patino ile auai o matua – e tatau fo’i la ona aofia ai ma le Ma’i Fafano- Tagataga’i i fa’amaumauga o palota i le itulau X]

MA’I FAFANO FILIFILIA-FA’AITŪPA

E lē taofia ele tulafono fou ta’otoga fa’apa’ūtama ua filifilia fa’aitūpa. O le faiga o ta’otoga fa’apa’ūtama mo tamafafano ua filifilia i luga o itūpa o se fa’afitauli ua leva ona iloa o tutupu i Saina ma Initia ma ua le paleni ai le numera o tama ma teine i le faitau aofa’i o tagatanu’u i ia atunu’u. Ua maua molimau o lo’o tupu fo’i lea faiga i nisi atunu’u e aofia ai Kanata ma Ausetalia. E tatau ona fa’asolitūlafonoina fa’aiuga e

ta’oto fa’apa’ūtama se pepe teine ona ole pepe o le teine. [O le to’atele o Sui Palemene na palota e tete’e se suiga fa’atu e fa’asā ta’otoga fa’apa’ūtama ona ole itupa o le pepe- Tagataga’i i fa’amaumauga o palota i le itulau X]

LEAI SE TAIMI FA’AMUTA MO PEPE UA LĒ ATO’ATO



Ua ave’ese ele tulāfono fou le taimi fa’atapula’a (20 vaiaso) e fa’ataga ai ta’otoga fa’apa’ūtama mo pepe ua le ato’atoa mafaua po’o tino. I le faigapalota o le 2017 sa fa’alauiloa e le fa’alapotopotoga Saving Down’s popolega ile ofo a Jacinda Ardern e sui le tulafono e ave’ese le taimi fa’atapula’a ina ia

mafai ta’otoga fa’apa’ūtama mo pepe ua le ato’atoa e tau lava i le taimi fanau. I le toe tali mai a Jacinda Ardern ua ia fa’apea o ia ole a tu malosi e lē si’itia le taimi fa’atapula’a mo ta’otoga fa’apa’ūtama e patino i pepe ua le ato’atoa. I Peretania, ua matau le si’itia o Ma’i Fafano o pepe ua latalata ona fananau ae ua iai tama’i ila e pei ole laugutu mavae ma le vae sape. [O le to’atele o Sui Palemene na palota e tete’e se suiga fa’atu e fa’asolitūlafono ta’otoga fa’apa’ūtama ona ole lē ato’atoa o le tino po’o le mafaua o pepe- Tagataga’i i fa’amaumauga o palota i le itulau X]

LEAI LE AVANO A MO TALITONUGA

O le sa’olotoga o foma’i e fa’aaoga o latou talitonuga ma le loto fuatiaifo e fai ai a latou i’uga ua fa’alētaua e le tulafono fou. O foma’i e lē ioe i le fa’apa’ūtama ua fa’atonuina e ta’u ma fa’asino fafine i fa’alapotopotoga M’i Fafano e maua ai isi fa’amatalaga – tusa lava pe o latou talitonuga o le mea sese lea. O leisi popolega ole āfaina ai lea o galuega ile lumana’i o ia foma’i ona o ō latou talitonuga. [O le to’atele o Sui Palemene na palota e tete’e le fa’atu e aua le suia le tete’e o foma’i i luga o ō latou talitonuga lea o fa’amamalu e le tulafono tuai- Tagataga’i i fa’amaumauga o palota i le itulau X]

TETE’E E TAGATA LAUTELE

E siliga i le 90% o aotelega o taofi mai tagata lautele e tete’e le pili – ma le 95% o latou na manana’o e fa’aleo o latou manatu ile Komiti Fa’amasino o le Ma’i Fafano na te’ena. Mai palota tumā’oti ua maua ai na ole 4% o tagatanu’u Niusila ua manana’o e tatala taimi fa’atapula’a mo Ma’i Fafano.



A’o fa’asagatau le lalolagi ma ona ta’ita’i e fa’afo’ia le KOVITI-19, ua fa’aaoga e le tatou Malo lea taimi o le palemene e fa’aulu ai le tulafono Ma’i Fafano pito sili ona ma’a’a.

For an online version of this pamphlet (including references and additional information), go to [LoveThemBoth.nz](https://www.lovetheboth.nz)